

華府詩友社 嘗試集

盧漢年編

第九十期

2010

華府詩友社



喜晤馨心師姐於馬州洛城

陳新雄

鵲噪連朝欣客至，門前相揖已眉揚。
仲師煦育恩偏厚，馨姐殷勤誼豈忘。
薪火相傳心永在，歌詩舊許意何長。
仍留一事當攜手，早把先生著述昌。



與窗友談及大學春遊照片

陳新雄

漫勞追憶初逢日，丰彩翩繽幾少年。
憐彼青山留舊影，嗟余白髮綴華顛。
春雲林下吹殘笛，秋雨江邊攏暮煙。
細想昔遊真是夢，夢回相對兩淒然。

活在今朝

張暢繁

百歲生年有限身。辛勞半世逐風塵。
修容未駐青春逝，補腦難防老氣伸。
捨己爲人終究少，貪財負義總嫌頻。
心靈充實盈歡樂，活在今朝幻也真。





閑居樂



張暢繁

陣陣秋風亂白頭。居林深處遠煩憂。
聆蟬觀鳥尋幽去，賞曲翻書上網遊。
夜幕低垂神未倦，詩情洋溢興難收。
且憑歡樂消今日，毋怨時光不倒流。

哀捷克

許翼雲

小邦捷克命逢凶，地處中歐要路衝。
兵去兵來桃梗劫，國興國滅轉盤鐘。
合分南北盈虧月，朝暮東西散聚蜂。
勉守家園兵燹裡，苟全性命亂軍中。



讀杜詩有感

王顏鑄

野老吞聲曲水流。古今家恨入邦愁。
清輝孤影殘更月，玉臂寒宵斷草秋。
潦倒河山同飲泣，飛騰官買笑兼收。
青雲不癢千年筆，白髮相忘一釣舟。



中弟離世二十年

夏曙芳

英年早逝徒何奈，廿載流光痛永離。
子孝妻賢家睦睦，父慈母愛院熙熙。
乘風破浪恢弘志，過海漂洋主舵時。
聚少別多奔走苦，空餘憾恨久相憶。



夢斷魂繫（生日亡妻投夢）

（用“詩韻新編”）

魏王仁

一如往日同旅遊，攜手併肩景色幽。
冰肌玉骨仍楚楚，如沐春風情溫柔。
因忘要物獨返擷，暫離即返請少候。
臨行勤勤重囑咐，務在樹陰稍留守。
天不助我美夢休，陰陽兩隔難回頭。
傷心痛哭未履約，祈求青鳥能傳郵。
勿在樹陰再等我，多則數載少秋後。
彼時咱們天堂會，天長地久不分手。



春江釣船

高亦涵

過盡江村山外山。煙波帆影鳥飛還。
中流吟嘯風情好，獨占春光一釣船。





匈牙利王宮前大鵬鐵像

許翼雲

神鵬氣盛伴天驕。振翅扶搖上九霄。
其奈如今非往昔，雄心空附白雲飄。

註：歐游時，在匈牙利王宮前攝得大鵬鐵像照片，
事後發現照片上空中白雲，狀如大鵬，誠為巧合，



贈人 王顏鑄

比翼雙飛日，怡然見碧空。
且將思念苦，更作盼燈紅。
燭影沉前事，潮痕引遠鴻。
何當西畔夜，共憶月交融。



蘇格蘭行

夏曙芳

綠草如茵羊遍地，鮮花艷美滿街招。
鐘樓古堡猶常見，蘇格蘭笳獨領驕。



水仙佳侶

高亦涵

應是神仙伴侶，奈何飄落人間。
豈待凡夫染指，清香飛入詩篇。



虞美人·《文字學》一書殺青
贈榮汾弟用山谷天涯也有江南信韻

陳新雄

薪傳應似寒潮信。師弟相親近。長年設帳莫嫌遲，
嶺上梅花尚有、老龍枝。布袍粗食何須妒。惜未留春住。
平生著述意何深，病後扶持更是、最知心。



蝶戀花·變遷

張暢繁

撲鼻清香無續久。雨打風吹，花葉難消受。連日驕陽芳草莠。平林葉落冰霜厚。 往日青絲今白首。開放心胸，多近湖邊柳。對月抒懷毋縱酒。秋園更惜狂風後。





憶少年·與兄弟同看舊照片

周涓

兒時禮拜，兒時插柳，兒時靈谷。依依舉手別，竟重洋
銷骨。一甲子，千言難訴。到如今，沛然天步。風
和晚霞美，得人生妙悟。

漁家傲·五月思親 李青瑾

五月薰花飛滿院，悠悠惦念慈親面。辛苦多秋從不怨，鄉關遠，憑高望盡尋思遍。

爲子劬勞銀髮現，春暉寸草恩無限。獨歎韶光消似箭，千般願，來年報答身依健。

註：一九七八年父親生日與母親節齊臨，思親之情倍加而作。



踏莎行·賀文采新婚之喜

李青瑾

蕊綻鶯啼，芳飄蝶萃。鵲歡頻探窗呼喜。
依依賀爾願無窮，鰥鵲至老濃情意。
楚楚明眸，盈盈皓齒。佳人永伴枝連理。
鉛華洗盡始辛勤，持家克儉來年貴。

註：特此致謝郭秀娟同學保存此二首一九七八年舊作



水調歌頭·何日君再來 步東坡明月幾時有韻

李青瑾

千里外魂斷，言默淚蒼天。萬山煙水茫漠，
語咽妒芳年。但北晴空霹靂。願已償名藝國。
人殞玉簫寒。長別鳳西馭，久駐樂鄉間。
甜美靨，蜜之意，蜜酣眠。麗人猶在，
筠園琴韻比珠圓。何奈春江花落。日暮葭樵風
寞。君德貌雙全。再續清歌繞，來去憶嬋娟。

註：鄧麗筠(君)名歌，有北國之春、千言萬語、
但願人長久、甜蜜蜜和何日君再來。





霜天晓角·憶安徽蕪湖黃池插隊

季肇瑾

孤葉扁舟，點青江水游。曉破黃池夢境，
插隊去，競風流。煤油，燈閃幽，小提
琴訴愁。水稻麥棉花果，忙四季，莫言休。



簡體詩詞 · 冰河寫景

張暢繁

高峰聳立陰明滅。冰河埋積千秋雪。
碧水映藍天，雪山十里延。飛瀑雲中裂，
流泉聲不絕。冰塊訣冰川，玲瓏清澈，
彷彿小冰船。蒼坡湖壑接，孤鳥高飛悅。
滄桑靜變萬千年，四時景物憑誰說。





Acknowledgment:

**Pictures and images come from internet
and personal collections.**

(If you think we have included pictures and images not in the public domain, please let us know and we will remove them upon notice.

Send e-mail to: contact@poetry-chinese.com.



華府詩友社

www.classicalchinesepoetry.com